



# SIARAN MEDIA

---

## **RM74 Juta Kos Tenaga Berjaya Dijimatkan Setiap Tahun Menerusi Program Pensijilan *Energy Management Gold Standard (EMGS)***

---

YB Nik Nazmi Nik Ahmad, Menteri Sumber Asli dan Kelestarian Alam telah merasmikan Majlis Penganugerahan Sijil *Energy Management Gold Standard (EMGS)* di bawah *ASEAN Energy Management Scheme (AEMAS)* yang dianjurkan oleh Malaysian Green Technology and Climate Change Corporation (MGTC) bertempat di EQ, Equatorial Plaza, Kuala Lumpur.

Sebanyak **107 organisasi telah berjaya mendapatkan pensijilan EMGS** merangkumi 8 organisasi yang menerima sijil 1-Bintang, 32 menerima sijil 2-Bintang dan 67 menerima sijil 3-Bintang termasuk pembaharuan pensijilan 3-Bintang. Di samping itu, lima organisasi menerima Anugerah Khas berdasarkan pencapaian dan komitmen yang tinggi oleh organisasi tersebut. Program ini telah berjaya menjimatkan penggunaan tenaga sebanyak **203 GWh setahun bersamaan dengan kos sebanyak RM74 juta setahun** dan mengurangkan pelepasan gas rumah kaca (GHG) sebanyak **115 kiloton karbon dioksida setara setahun**.

Program AEMAS merupakan inisiatif ASEAN *Centre for Energy (ACE)* sejak tahun 2010 yang bertujuan untuk mengurangkan pelepasan GHG di rantau ASEAN melalui pengurusan tenaga dengan cekap. MGTC telah dilantik sebagai agensi pelaksana program AEMAS di Malaysia, yang melibatkan program latihan *Energy Manager Training Course (EMTC)* bagi mewujudkan Pengurus Tenaga Bertauliah, serta pensijilan EMGS untuk organisasi yang melaksanakan amalan terbaik dalam pengurusan tenaga melalui pelaksanaan Sistem Pengurusan Tenaga Lestari.

Sebanyak **184 organisasi di seluruh Malaysia** telah terlibat dengan pensijilan EMGS.

Majlis hari ini turut dihadiri oleh YBhg. Datuk Dr. Ching Thoo a/l Kim, Ketua Setiausaha Kementerian Sumber Asli dan Kelestarian Alam (NRES), YBhg. Datuk Nor Yahati binti Awang, Timbalan Ketua Setiausaha (Kelestarian Alam) NRES dan YBhg. Dato' Mohamad Razif bin Haji Abd Mubin, Timbalan Ketua Setiausaha (Tenaga), Kementerian Peralihan Tenaga dan Transformasi Air (PETRA).

NRES komited dalam menyokong pelaksanaan inisiatif pengurusan tenaga yang cekap menerusi program ini selaras dengan sasaran negara yang digariskan dalam Pelan Tindakan Kecekapan Tenaga Negara 2016-2025 (NEEAP), Dasar Tenaga Negara 2022 – 2040 (DTN) serta Pelan Hala Tuju Peralihan Tenaga Negara (NETR). Penglibatan lebih banyak pemain industri daripada pelbagai sektor dalam pelaksanaan inisiatif kecekapan tenaga ini menyumbang kepada tindakan mitigasi perubahan iklim yang jitu ke arah mencapai pelepasan GHG sifar bersih selaras dengan aspirasi kelestarian Malaysia.

**KEMENTERIAN SUMBER ASLI DAN KELESTARIAN ALAM**

**21 MEI 2024**

---

Unit Komunikasi Korporat | Kementerian Sumber Asli dan Kelestarian Alam (NRES)

Tel. : 03-8000 8000 | Faks : 03-8889 4763

    nresmalaysia